

PLOANIES SAN MARTIN Y LUNGIARÜ

Cun ligrèza unse podü mète fora te dlìja i libri nüs LALDUN LE SIGNUR, libri cun oraziuns y cianties por la Val Badia. I libri, che sostituësc le SYN gnü fora tl ann 1992, é gnüs comprá dales cöres y vëgn metüs a disposiziun te dlìja y tles capeles. Al vëgn perìe da fá bel impara, da ne i ruviné nia, mo dantadöt da i tó ca tröp tratan les mësses y les atres funziuns por podëi insciö partezipé plü ativamënter ala liturgia. Chi che oress avëi ince a ciasa n liber, pó le cumpré te calonia vigni domènia do mëssa, al prisc de 20 euro l'un.

Le Sorvisc ai Jogn Val Badia mèt a jí "Dis de preparaziun al maridé" dala sabeda, 15 d'aurí, ala domènia, 16 d'aurí. Le curs sará por ladin y na picia pert por todësch. Söl program él referac y formaziun ti ciamps de comunicaziun, relaziuns, spiritualité, sanité y dërt. Referënc sará Lois Kastlunger (coordinadú), Christian Ferdigg (pert religiosa), Christian Pedevilla (avocat) y Petra Massardi (consulënta). Le curs é limité a 12 pers. Porchël periunse da ves prenoté tl Sorvisc Jogn Val Badia 0474 523 070 o info@jogn.org, cina ai 31 de merz 23. Le cost é de 180 euro por per (curs + 2 marënes).

Incö domènia, ai 29 de jená, festejunse le De de sant Ojöp Frëinadamez. I Miscionars Verbic inviëia da recordé nosc sant sö Oies dales 16.00 cun na Mëssa solëna zelebada adöm cun nosc vësc Ivo Muser.

SAN MARTIN

Les sabedes y domënies ai 4 y 5 de forá y ai 11 y 12 de forá oressun trá ite cun l'oferta pro mëssa osc contribut por scialdé la dlìja y la calonia. Chi che ó pó ince paíe por banca IBAN IT 11 J 08010 58830 000304004922

La ploania da San Martin chir n afitadin por sié le pre da munt dla calonia sura Vaciará. I interessá da tó a d'infít le pre é períe da telefoné a 338 46 50 898.

Cooperativa Turistica Al Plan/S.Martin: Al vëgn indô tigní la sfilada da Carlascé a Al Plan. Düc, pici y gragn, uniuns, classes y i.i. é bel inviá da gní a tó pert! I s'incuntun ai 21 de forá, dales 14.00, tla plaza dan l'ofize turistich d'Al Plan. Les iscriziuns vëgn tutes sö le medemo de dales 12.00 inant tl ofize turistich.

Döt le bun a chi che complësc i agn de forá

a San Martin:

Pire Tavella (Pinis) che nen complësc 80 ai 8
siur Heinrich Perathoner che nen complësc 82 ai 11
Oliva Winkler Vanzì che nen complësc 86 ai 18
Sepl Frenner che nen complësc 85 ai 19
Anna Pedevilla Planatscher che nen complësc 85 ai 24

a Lungiarü:

Albino Dejaco che nen complësc 83 ai 6
Severina Costa che nen complësc 92 ai 7



Plata dles Ploanies San Martin y Lungiarü



ploan siur Klaus Sottsas 344 15 54 055 - klstottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

29.01 - 05.02.23 n. 10

unitepastorala.org

ultimo termo por comunicaziuns: jöbia, dales 20.00

4ª DOMÈNIA IA POR L'ANN "A" FESTA DE SANT OJÖP DA OIES

Vangele do Matí 5,1-12a

Canche Gejù odò le gröm de jënt, él jü sön na munt. Al s'à sentè jö, y sü discepu ti é jüs pormez. Spo àl metü man da baié y i istruî. Al à dit: Beâc, chi che é püri dan da Idî; deache de d'ëi é le règn dl cil. Beâc, chi che plüra; deache ai gnarà consolà. Beâc, chi che é saurisc; deache ai arparà la tera. Beâc, chi che à fan y sëi do la iustizia; deache ai gnarà pascentà. Beâc, i misericordiusc; deache ai ciafarà misericordia. Beâc, chi che à n cör nèt; deache ai odarà Idî. Beâc, chi che fej pêsc; deach'an ti dijarà fis de Dî. Beâc, chi che vëgn porseghità por gauja dla iustizia; deache de d'ëi é le règn dl cil. Beâc sëise os, sc'i gnëis dejonorà y porseghità y scraia fora a vigni manira por mia gauja. Ralegrësse y iubilede: Osc paiamënt tl cil sarà gran.



*I te dijun dilan, oh Dî etern,
cun i püri, chi che plüra, cun i saurisc,
cun chi che á sëi do iustizia, cun i misericordiusc.
I te dijun dilan cun chi dal cör nèt y che chir la pesc.
I te dijun dilan, deache te i os bun.
Fá ince fora de nos porsones sciöche chi che to Fi tlama fortuná,
por ch'i viunse te to amur y ch'i le desmostrunse te chësc monn.*

EDEMA	SAN MARTIN	LUNGIARÜ	 Tl ann 1879 lasciâ Sant Ojöp por tres súa familia y la tera olach'al ê nasciü, por jí tla Cina a incundé la buna noela de Gejú. Al s'aspetâ da gní tut sô cun n gran entusiasim; mo ara n'ê nia stada insciö. I pröms agn âl passé te n paisc de pêiapêsc a Hong Kong, y dailó âl imparé da conêsc le sênn, l'incomprenjiun y le despriy che la jënt dl post ti mostrâ ai foresc. Lapró se sintíl indeblí da de vigni sort de mai, sciöche la malaria y destürbs al magun. Dôt chêsc l'â condüt a iudiché dër negativamënter i cinesc. Mo al n'â nia pordü le coraje y â porté inant súa misciun. Al se sforzâ da i capí y da i tó bel plan sciöch'ai ê. Al ponsâ do sôla motivaziun che l'â condüt tla Cina; y ala fin âl capí, che le iudize negativ ch'al s'â fat porsura i cinesc depênô ince da d'êl instês. ----- Gejú Crist é zënza pîsc; al á ma nüsc pîsc da ti jí adincuntra ala jënt. Gejú Crist é zënza mans; al á ma nostes mans da assuié ia les legremes. Gejú Crist é zënza slefs; al á ma nüsc slefs da incundé la buna noela. Gejú Crist é zënza edli; al á ma nüsc edli da odëi les soferënzes dla jënt. Gejú Crist é zënza orëdles; al á ma nostes orëdles da ascuté sô i debli, i stluc fora y i püri. Gejú Crist é zënza parores; al á ma nostes parores da comuniché sü pinsiers. Gejú Crist nes á ma nos, me y te, da porté inant súa opra de redenziun. Nos sun so message por chêsc monn, scrit cun opres y parores. <i>dal Pilgerbüchlein</i>
29.01.23 4ª DOMËNIA ia por l'nn A Festa de Sant Ojöp da Oies	9.00 Corona 9.30 Mëssa solëna en onú de San Ojöp Frëinadamez dl ann + Pire Unterweger 16.00 Mëssa solëna sô Oies (cun le Vësko)	7.50 Corona 8.15 Gran Mëssa por la Comunité en onú de San Ojöp Frëinadamez 16.00 Mëssa solëna sô Oies (cun le Vësko)	
30.01.23 <i>Martina, Serena</i> Lönesc			
31.01.23 Dedolönesc <i>Giovanni Bosco, Eujeb</i>	19.00 Mëssa en onur de San Bostian dl ann + Mariangel Tavella		
01.02.23 Dedemesaledema <i>Brighita, Giovana</i>		19.30 Mëssa Benedisciun dles ciandëres y de san Blaje + Anna Pallesstrong Sottrovitsch dl ann + Ivo Sorà	
02.02.23 <i>Dé dla vita consacrada</i> Jöbia - Presentaziun dl Signur	<i>degöna mëssa</i>		
03.02.23 Pröm vëndres <i>Blaje, Oskar, Simeon y Ana</i>	18.30 Adoraziun chîta 19.00 Mëssa <i>(cun pater Franz Senfter)</i> Benedisciun dles ciandëres y de san Blaje por families de Gottfried Miribung por les Animes dl purgatore + Alfred Videsott	7.00 Adoraziun 7.30 Mëssa + + + Vijo, Maria y Heinrich Dapoz dl ann + Veronica Costa	
04.02.23 Sabeda <i>Rabanus Maurus, Veronica</i>	19.30 Mëssa prefestia <i>(siur Klaus)</i> de reng. families de Alfred y Carla Verginer + Angelina Vanzi Baldissera	<i>degöna mëssa</i>	
05.02.23 5ª DOMËNIA ia por l'nn A DE MONDIAL POR LA VITA	9.00 Corona 9.30 Gran Mëssa por la comunité I festejun le de dla vita cun i geniturs di mituns batiá l'ann 2022 + siur Heinrich Videsott	7.50 Corona 8.15 Gran Mëssa por la comunité I festejun le de dla vita cun i geniturs di mituns batiá l'ann 2022	
Al pó ester ch'al sides mudaziuns de orar por ci che reverda les mësses; n iade o l'ater pól ince ester na liturgia dla parora impede la mëssa.			